

1. Le o seguinte texto:

Canto as fazañas e o heroe que, tras fuxir obrigado
polo destino, foi o primeiro en chegar desde as costas de Troia a Italia
e ao litoral lavinio, lanzado moito tempo por terra e por mar
pola violencia dos deuses, debido ao rancor inesquecible da cruel Xuno,
e tamén tivo que aturar grandes sufrimentos na guerra, ata presentarse a ocasión de
fundar unha cidade e poñer os seus deuses no Lacio; de aí veu a raza latina
e os Pais Albaneses e as murallas da soberbia Roma.
Musa, lémbreme as causas, por que ofensa divina
ou por que dor a raíña dos deuses empuxou a un heroe distinguido pola piedade
a padecer tantas desgrazas, a enfrontar tantas penalidades.
Tanto rancor hai nos espíritos dos deuses celestes?

(Virxilio, *Eneida* 1, 1-11)

[texto (5) da Selección de textos da unidade 2]

2. Contesta as seguintes preguntas:

- a. Indica o autor deste texto
- b. Sinala o título da obra ao que pertence este texto
- c. A que xénero pertence este texto?
- d. En que época se sitúa?
- e. Ofrece algunha información sobre o contexto histórico, que sexa fundamental para a comprensión da obra.
- f. Que outras obras escribiu o autor?
- g. Que saberías comentar de Eneas antes de Virxilio?
- h. Hai algunha referencia ao ámbito divino no fragmento?

3. Realiza un breve comentario do texto tendo en conta os aspectos que se sinalan a continuación: a) forma do texto (prosa/verso, tipo de verso, métrica, etc.); b) contido do texto: resumo, xénero ao que pertence, explicación do contido, conceptos clave (sobre todo reparando nas palabras clave características do xénero: *canto*, *fazañas*, *heroe*, *destino* e *musa*, no papel dos deuses e deusas, etc.), voz poética (quen canta), entre outros que queiras sinalar.